



Број/Број: 03/3-50-1-377-1/07
Сарајево/Сарајево: 21.3.2007.

Z A P I S N I K

konstitutirajuće sjednice Zajedničke komisije za ekonomske reforme i razvoj oba doma Parlamentarne skupštine BiH

održane 21.3.2007., u vremenu od 10,30 do 10,45 sati

Održavanje sjednice zakazali su predsjedavajući domova Parlamentarne skupštine BiH.

Sjednici su prisustvovali:

- Ilija Filipović, predsjedavajući Doma naroda;
- Niko Lozančić, drugi zamjenik predsjedavajućeg Predstavničkog doma;
- članovi Zajedničke komisije: Bajazit Jašarević, Mehmed Suljkanović, Hadži Jovan Mitrović, Slobodan Šaraba, Hazim Rančić, Adem Ibrahimpašić, Drago Ljubičić, Rudo Vidović i Ivo Miro Jović.

Sjednici iz opravdanih razloga nisu prisustvovali: Rifat Dolić, Jovan Todorović i Azra Hadžiahmetović.

Sjednici su iz Sekretarijata Parlamentarne skupštine BiH prisustvovali:

- Branka Todorović, sekretar Predstavničkog doma;
- Aljoša Čampara, sekretar Zajedničke službe;
- Dragica Hinić, sekretar Zajedničke komisije za odbranu i sigurnost BiH.

Sjednicom je predsjedavao Ilija Filipović.

Za sjednicu je predložen sljedeći

DNEVNI RED

1. Izbor predsjedavajućeg, prvog i drugog zamjenika predsjedavajućeg Zajedničke komisije za ekonomske reforme i razvoj oba doma Parlamentarne skupštine BiH.

Ad.1. Ilija Filipović otvorio je konstitutirajuću sjednicu Zajedničke komisije za ekonomske reforme i razvoj oba doma Parlamentarne skupštine BiH.

Ukazao je na poslovničke odredbe i na prethodno postignuti dogovor između kolegija oba doma, na osnovu kojih su predložene određene rukovodne pozicije u komisijama. Istaknuo je da bi, saglasno tom dogovoru, pozicija predsjedavajućeg Zajedničke komisije za ekonomske reforme i razvoj trebala pripasti članu Komisije iz Doma naroda i iz reda srpskog naroda. U skladu sa odredbama poslovnika domova prvi zamjenik predsjedavajućeg treba biti izabran iz reda drugog naroda i drugog

doma u odnosu na predsjedavajućeg.

G-din Filipović potom je omogućio članovima Zajedničke komisije da predlože kandidate za navedene pozicije.

Nakon kraće rasprave članovi Zajedničke komisije izjasnili su se o prijedlozima kandidata kako slijedi.

Prijedlog Slobodana Šarabe da se za predsjedavajućeg izabere Drago Ljubičić, članovi Zajedničke komisije usvojili su jednoglasno.

Prijedlog Hazima Rančića da se za prvog zamjenika predsjedavajućeg Zajedničke komisije izabere Bajazit Jašarević, članovi Zajedničke komisije usvojili su jednoglasno.

Prijedlog Ilije Filipovića da se za drugog zamjenika predsjedavajućeg izabere Rudo Vidović, članovi Zajedničke komisije usvojili su jednoglasno.

Nakon izbora rukovodstva Ilija Filipović zamolio je članove Zajedničke komisije, da se odmah uključe u aktivnosti koje stoje pred njima, s obzirom na veliki broj pristiglih obaveza. Predsjedavajući Zajedničke komisije Drago Ljubičić izrazio je zahvalnost na datoj podršci, nakon čega je konstitutivna sjednica formalno okončana.

Drugi zamjenik predsjedavajućeg
Predstavničkog doma
Parlamentarne skupštine BiH
Niko Lozančić

Predsjedavajući
Doma naroda
Parlamentarne skupštine BiH
Ilija Filipović